

繆仲醇先生

繆希雍字仲醇。常熟人。遷居金壇。爲人重目。戢。如過羽人劍客。好談今古事。成敗。與東林諸先達相友善。天啓中。王紹微作點將錄。以東林諸人分配水滸傳一百八人姓名。稱希雍爲神醫安道全。以精於醫理故也。蘇州府志載希雍嘗謂本草出於神農。譬之五經。其後又復增補別錄。譬之註疏。惜朱墨錯互。乃沈約剖析。以本草爲經。別錄爲緯。作本草經疏本草單方等書。經疏分本草爲十部。首玉石。次草。次木。次人。次獸。次禽。次蟲。次魚。次果。次米穀。吹菜。皆以神農本草經爲主。而發明之。附以名家主治藥味。禁忌。次序。悉依宋大觀證類本草。部分混雜者。爲之移正。首爲序例二卷。論三十餘首。備列九方十劑。及古人用藥之要。自序云。據經以疏義。緣義以致用。參互以盡其長。簡談以防其失是也。長興丁元薦取希雍所用之方。裒爲一編。希雍又增益羣方。兼採本草常用之藥。增至四百餘品。又增入傷寒溫病時疫治法。成先醒廣筆記四卷。希雍與張介賓同時。介賓守法度。而希雍頗能變化。介賓尚溫補。而希雍頗用寒涼。亦若易水河間。各爲門徑。然實各有所得力。朱國禎湧幢小品記天啓辛酉。國禎患腸病。上下如分兩截。中痛殊不能支。希雍至。用蘇子五錢。即止。是亦足見其技之工矣。江陰司訓莊繼光刻希雍本草單方及廣筆記。以行於世。希雍卒時。翰林學士錢謙益經紀其家。

傷寒

.....一

泄瀉

.....二

痢疾

.....四

黃疸

.....五

瘧疾

.....六

腹痛

.....七

繆仲淳醫案

武進徐衡之編纂
嘉定姚若琴

嘉善俞震東扶評注

傷寒

銓部章衡陽患熱病頭痛壯熱渴甚且嘔鼻乾燥不得眠其脈洪大而實一醫曰陽明症也常用葛根湯仲淳曰陽明之藥表劑有二一爲葛根湯一爲白虎湯不嘔吐而解表用葛根湯今吐甚是陽明之氣逆升也葛根升散用之非宜乃與大劑白虎湯加麥冬竹葉醫駭藥太重仲淳曰虜荊非六十萬人不可李信二十萬則奔還矣別後進藥天明遂瘥

一僕受寒發熱頭痛如裂兩目俱痛渾身骨節痛下部尤甚狀如刀割不可忍口渴甚大便日去一次胸隔飽脹不得眠已待斃矣仲淳曰此太陽陽明病也貧人素多作勞故下體疼痛尤甚以石膏一兩五錢麥冬八錢知

母三錢。乾葛三錢。竹葉一百片。解陽明之熱。羌活二錢五分。去太陽之邪。大瓜萸實半個。枳桔各一錢。疏利胸膈之留邪。四劑而愈。

泄瀉

金壇莊斂之。素壯實。善啖。仲夏忽患泄瀉。一應藥粥蔬菜入喉。覺如針刺。下咽卽辣。因而滿腹絞辣。隨覺腹中有氣。先從左升。次卽右升。氤氲徧腹。卽欲如廁。彈響大泄。肛門恍如火灼。一陣甫畢。一陣繼之。更番轉廁。逾時方得離廁。所瀉俱清水盈器。白脂上浮。藥粥及蔬菜。俱不化而出。甚至夢中大遺。了不收攝。諸醫或云停滯。或云受暑。或云中寒。百藥雜投。竟如沃石。約月餘。大肉盡脫。束手待斃。予往診之。脈洪大且數。知其爲火熱所生病。用川黃連三錢。白芍五錢。茯苓。扁豆。石斛。車前各三錢。橘紅二錢。炙甘草一錢。煎成。將井水澄冷。加童便一盃。藥甫入喉。恍如飲薄荷汁。隱隱沁入心脾。腹中別成一清涼世界。遂臥達旦。洞瀉頓止。連服三劑。大便已實。前泄時藥粥等物。

凡溫者下咽腹中遂覺氣升。卽欲大解。一切俱以冷進方快。至是覺惡心畏冷。旋易以溫。始相安。余曰。此火退之徵也。前方加人參二錢五分。黃芪三錢。蓮肉四十粒。紅麴一錢五分。升麻五分。黃連減半。五六劑後。去升麻。又服三十餘劑。瀉已久止。而脾氣困頓。不知飢飽。且稍飲茶湯。覺腸滿急脹。如欲寸裂。余曰。大瀉之後。是下多亡陰也。法宜用補。倘此時輕聽盲師。以香燥取快。暫時元氣受傷。必致變成臃脹而不救矣。爲定丸方。熟地黃八兩。萸肉山藥人參黃芪各五兩。牛膝五味子白芍各六兩。炙甘草一兩。紫河車二具。蜜丸。空心飢時各一服。而日令進前煎方。斂之相信甚力。堅守二方。服幾年。餘斂之因胃始知飢而嗜食。四體亦漸豐矣。其病初平後。予勸其絕慾。年餘。斂之因出妾。得盡發家人陰謀。乃知向之暴瀉。由中巴豆毒。本草中巴豆毒者。黃連冷水解之。余方恰與暗合。向使如俗醫所疑。停滯受寒。中暑法治之。何啻千里。卽信爲是火。而時師所投黃連。不過七八分。至錢許止矣。况一月之瀉。未

有不疑爲虛寒者。敢用黃連至四錢乎。始知察脈施治。貴在神而明之也。

附仲淳曰。余治斂之瀉止後。恐其元氣下陷。急宜升舉。用升麻以提之。初不知其爲中毒也。乃因用升麻太早。致濁氣混於上焦。胸中時覺似辣非辣。似嘈非嘈。迷悶之狀。不可名狀。有時滴酒入腹。或啖一切果物。稍辛溫者。更冤苦不勝。莊一生曰。此病在上焦。湯液入口。卽下注。恐未易奏功。宜以噙化丸治之。用貝母五錢。苦參一兩。真龍腦。薄荷葉二錢。沉香四錢。人參五錢。爲末。蜜丸如彈子大。午食後臨臥時。各噙化一丸。甫四丸。胸中恍如有物推下。三年所苦一朝若失。

震按。此條初時用冷藥冷服。人猶可及。至不知飢飽脹滿欲裂。不用六君五皮。竟以熟地、黃肉、參、芪、五味、河車填補。斷不可及。莊一生之噙化丸。亦未易及也。

痢疾

一少年貴介。暑月出外。飲食失宜。兼以暑熱。遂患滯下。途次無藥。痢偶

自止歸家腹痛不已。徧問諸醫之藥。藥入口痛愈甚。亦不思食。繆視之曰。此溼熱爾。其父曰。醫亦以溼熱治之而轉劇。繆問投何藥。曰蒼朮黃連厚朴陳皮等。繆曰。誤也。朮性溫而燥。善閉氣。卽君陰虛人也。尤非所宜。乃以滑石一兩爲細末。以牡丹皮汁煮之。別以芍藥五錢炙甘草二錢炒黑乾薑五分煎調滑石末服之。須臾小便如注。痛立止。

黃疸

太學顧仲恭。遭鼓盆之戚。復患病在床。一醫診視。驚訝而出。謂其旦晚就木。因延予診之。左手三部俱平利。右手尺寸亦無恙。獨關部杳然不見。諦視其形色。雖尪羸而神氣安靜。予詢之。曾大怒乎。曰然。予曰。此怒則氣併於肝。而脾土受邪之證也。經云大怒則形氣絕。而況一部之脈乎。甚不足怪。第脾家有積滯。目中微帶黃色。恐成黃疸。兩三日後。果遍體發黃。服茵陳利水。平肝順氣藥。數劑而痊。

震按金匱要略云。痢瘡當以十八日爲期。治之十日已上瘳。反劇者爲難治。就余生平所驗分毫不爽。有先因他病而後發黃者。有先發黃而後現他病者。必於半月一月之內退盡其黃。則他病亦可治。設或他病先瘳而黃不能退。至一年半載仍黃者。必復現他病以致死。大抵酒傷及有鬱結。與胃脘痛皆發黃之根基。而泄瀉腫脹不食。乃發黃之末路。若時行病發黃亦多死。諺所謂瘟黃也。惟元氣實者審其爲瘀血。爲溼熱。逐之。清之。得黃退。熱亦退。乃可無虞。古人醫案俱未有說及。久黃者可爲余言之。一證。卽如此條關脈不見亦云。數劑而瘳。要知因於大怒偶然不見耳。若並未動怒關脈連日不見。目中微帶黃色。卽爲脾絕之微死無疑矣。

瘳疾

梁溪王興甫。偶食牛肉。覺不快。後遂發瘳。飲食漸減。至食不下咽。已而水飲亦不下。白湯過喉間。嘔出作碧色。藥不受。小便一滴如赤茶。大便閉。諸醫束手。繆視之。令仰臥。以指按至心口下偏右。大叫。因詢得其由。卽用礬。紅。和。平。胃。散。作。末。棗。肉。和。丸。白。湯。下。三。錢。至。喉。輒。不。嘔。水。道。漸。通。次。日。下。黑。物。

數塊如鐵，其病若失，再以人參、麥冬各五錢，橘紅、白芍各三錢，煎服，四日起，震按，理中加梅連以治吐蛔，礬紅和平胃散以治停滯，牛肉原非奇方異法，然與諸病案情稍別，故錄之。

腹痛

包海亭夫人患腹痛，連少腹上支心，日夜靡間，百藥不效，予診其脈，兩寸關俱伏，獨兩尺實大，按之愈甚，詢知其起自暴怒，風木鬱於地中，投以川芎、上柴、胡中升、麻下下咽嚥氣數十聲，痛立已，已而作喘，予知升之太驟也，以四磨飲與之，遂平。

震按：風木鬱於地中，宜用逍遙散，去白朮，加香附、鬱金，為正治，或參入川棟、半夏、橘紅、牡蠣等藥，茲因兩尺實大，按之愈甚，故用三樣升提藥，然已升之太驟，而作喘，四磨飲降得恰好。